

NALUNAARUTIT - Grønlandsk Lovsamling

Serie C-II

14 NOV. 2014

ISUMAQATIGIISSUT

Naalakkersuisut aamma Sulineramik Inuussutissarsiu-teqartut Kattuffiata akornanni Peqqinnissamik siammarsaasut aamma ernisussiornermi ikiortit pillugit isumaqatigiissut.

IMAASA NALUNAARSORSIMAFFIAT

Qupp.

§ 1 Isumaqatigiissummi pineqartut.	3
§ 2 Suliffiup sivilissusia.	3
§ 3 Peqqinnissamik siammarsaasut aamma ernisussiornermi ikiortit aningaasarsiaat.	4
§ 4 Soraarnerussutisiassanut akiliutissat taakkulu akilerneqartarneri.	5
§ 5 Ukiut suliffiit malillugit akissarsiat qaffakkiartortarneri.	6
§ 6 Qaangiuttoornerit aamma qaangiuttoornernut taarsiullugu sulinnigiffeqarnerit.	7
§ 7 Pigaartuuneq.	8
§ 8 Persaqqusersorneqarnermut akiliutit.	10
§ 9 Immikkut ittumik akiliutit tunniunneqarneri.	11
§ 10 Atorfimmut imiikut ittumut tapit.	12
§ 11 Ataasiakkaanut tapinut immikkoortitat.	12
§ 11 A Ilinniaqqinnermi, oqaluttaasarnermut pisortaanermullu tapisiat.	12
§ 12 Suliamut aalajagersimasumut tapeq.	14
§ 13 Pikkorissutsimut tapisiat.	14
§ 14 Suliar-toqqunekaratarsinnaanermut tapisiat.	15
§ 15 Assassorluni anersaartortitsineq aammalu qimagussuineq i.il.	16
§ 16 Napparsimasunik ingialluineq.	16
§ 17 Sulinermut atatillugu angalanerni saniatigut aningaasartuutaasartut, tassunga ilanngullugit ullormusiat, unnuiner-musiat (akunnittarfimmiinnermut atugassat)	

atortussarsiutillu.	18
§ 18 Nerisanut ineqarnermullu akiliutit.	18
§ 19 Ineqarneq.	18
§ 20 Atorfininnermut atatillugu akiliunneqarluni angalaneq. ...	19
§ 21 Sulinnigiffeqarneq sulinnigiffeqarnerisiutillu.	20
§ 22 Naartuneq, ernineq qitornavissiartaarnerlu.	21
§ 23 Napparsimaneq.	22
§ 24 Meeqqap napparsimanerani ullormi siullermi sulinnigiffeqarsinnaatitaaneq.	23
§ 25 Meeqqap napparsimanerani sulinnigiffeqarnerit allat.	24
§ 26 Sulinnigiffeqarnerit immikkut ittut allat.	24
§ 27 Sulinnigiffeqartarnerit.	25
§ 28 Qinikkatut pisortanillu toqqakkatut suliassaqartitaanerit.	25
§ 29 Sullisit.	26
§ 30 Toqukkut qimagaanersiutit.	26
§ 31 Soraarniuteqarneq/Soraarsitsineq.	27
§ 32 Isumaqatigiinngissutit kinaassusersiortumillu soraarsitsinerit.	28
§ 33 Peqqinnissamik siammarsaasut aamma ernisussiornermi ikiortit nal. Akunnermusiallit.	28
§ 34 Akissarsiat katiternerit.	31
§ 35 Ikaarsaarnermi malittarisassat.	32
§ 36 Piffissaq isumaqatigiissutip atuuffia.	32

§ 1

Isumaqatigiissummi pineqartut.

Peqqinnissamik siammarsaasut aamma ernisussiornermi ikiortit Namminersorlutik Oqartussani kommune-ilu atorfinitsinneqartut, isumaqatigiissutinullu allanut attuumassuteqanngitsut.

Imm. 2. Tjenestemandit imaluunniit naalagaaffimmit, Namminersorlutik Oqartussanit kommune-illu soraarninngorsimasut aammalu suliffeqarfinni immikkut pisussaaffiligaasuni ittut isumaqatigiissummi uani ilaatinneqanngillat.

§ 2

Suliffiup sivisussusia.

Sap.akunnerannut suliffissaq agguaqatigiissillugu nal.akunnerinik 40-nik sivisussuseqarpog, taamaattorli unnukkorsiornermi/unnuarsiornermi nal. akunneri 37-ullutik, tak. § 7 imm. 5. Piffissap suliffiup sap. akunnerini ullunut ataasiakkaanut agguaannera sulisitsisumit aalajangerneqartassaaq suliffimmi pissutsit mianeralugit.

Imm. 2. Ullormut nal.akunneri 7 sinnerlugit imaluunniit ullormut sulinissamik immikkut isumaqatigiissutigisap, sivisunerpaamilli nal.akunneri 9 sinnernagit sivisussuseqartussap avataatigut sulineq qaangiuttoornertut isigineqassaaq. Suliffissat allattorsimaffiat nalunaarutigineqartassaaq, taamaasilluni sulisup (paarlaassisussat eqgarsaatiginagit) suknulluunniit qanog ilisukkut sulinissamik aammalu sap.akunnerinik 4-nik sioqqullugu sulinnginnissat inissisimanerini ilisimatinneqartuuartassallutik.

Imm. 3. Piffissap suliffiup iluani sulinngitsoornerit akissarsianit ilanngaaticineqassapput. Nal. akunnera sulinngitsoorfik nalilerneqartassaaq atorfillip nal. akunnermusiarisartagaata angeqqataanik, nal.akunneranut tapiusinnaasut ilanngullugit. Nal. akunnerata affaa tikillugu sulinngitsoorneq nal. akunnerata affaatut naatsorsorneqartassaaq.

Imm. 4. Sulinermut atatillugu angalanerni piffissaq angalaffiusoq suliffimmiit/suliffimmut suliffittut naatsorsorneqartassaaq. Taamaatorli piffissap suliffiup taama naatsorsorneqarnerata kingunerisaanik ullormi pineqartumi piffissaq suliffiusussaq eqqortinneqanngitsutut isigineqarsinnaanngilaq.

Imm. 5. Sulisorli siniffissaqartinneqarpat nal. 22.00-ip nal. 08.00-llu akornanni piffissaq angalaffiusoq piffissatut suliffittut naatsorsuunneqassanngilaq.

Imm. 6. Taamaattoq ingiallortaalluni angalanermi akissarsiaqarnermut aammalu suliffiup sivilissusianut immikkut ittumik aalajangersakkat atuutsinneqarput, tak. § 16.

§ 3

**Peqqinnissamik siammarsaasut aamma
ernisussiornermi ikiortit aningaasarsiaat.**

Peqqinnissamik siammarsaasut aamma ernisussiornermi ikiortit tamakkiisumik ilinniarsimasut imaattunik qaammammusiaqartinneqassapput:

Skala	trin	ukiut suliff	01.04.14	01.04.15	01.04.16	01.04.17
21	1	1.-2.	18.278,24	18.469,59	18.748,65	19.000,61
22	2	3.-4.	18.477,90	18.669,26	18.948,32	19.200,27
23	3	5.-6.	18.683,49	18.874,84	19.153,90	19.405,86
24	4	7.-8.	18.894,90	19.086,25	19.365,31	19.617,27
25	5	9.-10.	19.118,15	19.309,50	19.588,56	19.840,52
26	6	11. amerlanerillu	19.347,90	19.539,26	19.818,32	20.070,27

Imm. 2. Peqqinnissamik siammarsaasut angerlarsimaffinnik pulaar-tartuni aamma meeqqerisuni sulisut aammalu utoqqaat illuini assi-gisaanniluunniit napparsimavinnilu pisortatut atorfillit imaattunik qaammammusiaqartinneqassapput:

Skala	trin	ukiut suliff	01.04.14	01.04.15	01.04.16	01.04.17
23	1	1.-2.	18.683,49	18.874,84	19.153,90	19.405,86
24	2	3.-4.	18.894,90	19.086,25	19.365,31	19.617,27
25	3	5.-6.	19.118,15	19.309,50	19.588,56	19.840,52
26	4	7.-8.	19.347,90	19.539,26	19.818,32	20.070,27
27	5	9. amerlanerillu	19.578,04	19.769,40	20.048,46	20.300,41

§ 4

**Soraarnerussutisiassanut akiliutissat
taakkulu akilerneqartarneri.**

Isumaqatigiissut malillugu sulisup 20-nik ukioqalereersimasumut soraarnerussutisiaqalernissaanut isumaqatigiissummi matumani akissarsiat paragrafini tunngaviummik akissarsiat taaneqartut 10,20%-ii sulisitsisup akilertassavai. Akiliutigineqartup agguataarlugu sulisumut pingajoraarterutaa pigitinneqarpoq sulitsisumullu pingajoraarterutaa marluk pigitinneqarluni. Soraarnerussutisiaqartitsisoqartassaaq soraarnerussutisiaqalernissamut aaqquissuussinermi malittarisassaani aalajangersakkat naapertorlugit.

Imm. 2. Sulisoq atorfeqarnini tunngavigalugu soraarnerussutisiassanut akiliutit imm. 1-imi taaneqartut avataasigut sulinini pissutigalugu sulisitsisuminit soraarnerussutisiaqartinneqarnaniluunniit ikiuutisiaqartinneqassanngilaq.

§ 5

Ukiut suliffiit malillugit
akissarsiat gaffakkiartortarneri.

Ukiut suliffiit malillugit akissarsiat gaffakkiartortarneri aalajangersarneqartassapput piffissaq pineqartup ilinniarsimanini tunngavigalugu suliffigisimasaa aallaavigalugu.

Imm. 2. Ukiut suliffiit malillugit akissarsiat gaffakkiartortarnerisa naatsorsorneqarneranni siusinnerpaatut aallaaviusassaaq qaammatip ilinniakkamik naammassinniffiup naanera.

Imm. 3. Ukiut suliffiit malillugit akissarsiat gaffakkiartortarneri tamatigut qaammatinut ilivitsunut akunnaallillugit iluarsineqartassapput ullut 15 taakkunanngaluunniit ikinnerit ilanngunneqartassanatik.

Imm. 4. Isumaqatigiissut una naapertorlugu sulisut Kalaallit Nunaanni pisortat suliffegarfiutaanniit togqaannartumik Kalaallit Nunaanni pisortat suliffegarfiutaannut allamut nuuttut suliaminnillu allanngortitsinatik ingerlatsiinnartut ukiut suliffiit malillugit akissarsiat gaffakkiartortarnissaattut katersareriikkatik attatiinnassa-vaat.

Imm. 5. Malittarisassanit siuliani taaneqartunit gaffasinnerusumik inissiisoqarsinnaavoq immikkorluinnaq pissutissaqartillugu.

Imm. 6. § 33 naapertorlugu atorfiit ataasiakkaat ataanni inissiisarnissamik aalajangersakkat immikkut ittumik nalunaarsorneqarsimasut ilanngullugit innersuussutigineqarput.

Imm. 7. Sap.akunnerannut agguaqatigiissillugu nal. akunneri 15-nit sinnerlugit suliffiuppata tamakkiisumik akissarsiat gaffakkiartortarnerinik pissarsisoqassaaq. Sap.akunneranut agguaqatigiissillugu nal. akunnerini 15-init ikinnerit suliffiuppata akissarsiat gaffakkiartortarnerannik piffissamut suliffimmut naapertuuttunik pissarsisoqassaaq.

§ 6

**Qaangiuttoornerit aamma qaangiuttoornernut
taarsiullugu sulinngiffeqarnerit.**

Qaangiuttoorneq sapinngisamik pinngitsoorniarneqartassaaq. Peqquneqarluni nakkutigineqartumillu atorfeqarfimmi piffissap nalinginnaasumik suliffiup § 2 imm. 1 aamma 2-mi aalajangersakkat avataatigut qaangiuttoornermut qaangiuttoornersiaqartitsisoqassaaq taakkulu naatsorsorneqassapput § 3-mi qaammammut akissarsiat tapiusinnaasut ilanngullugit agguarnerattut 50%-imik tapeqartillugit.

Imm. 2. Qaangiuttoornerit sulisup sulisitsisullu isumaqatigiinnerisigut sulinngiffeqaataasinnaapput. Qaangiuttoornersiassaagaluanut taarsiullugu sulinngiffeqarnermi qaangiuttoornermi akissarsiasat 50%-imik ilallugit qaangiuttoornersiassaagaluanut naapertuuttunik sulinngiffeqaataassapput. Sulinngiffeqarnerup qaqugu pinissaa sulisup sulisitsisullu akornanni suliffik mianeralugu sulisullu kissaatigisai naapertorlugit aaqgissuunneqassaaq.

Imm. 3. Sulisoq qaangiuttooqquneqassappat tamanna ullormi pineqartumi ullup suliffiup naanissaa nal. akunnerinik 5-inik sioqqullugu ilimasaarutigineqareersimassaaq.

Imm. 4. Ilisimatitsineqanngippat qaangiuttoornerlu nal. akunneri 2-t sinnerlugit sivilissuseqarpat nal. akunnerisa qaangiuttoorfiit saniatigut qaangiuttoornersiffissat nal. akunneranik 1-mik ilanegassapput.

Imm. 5. Ullormut suliffissap nalinginnaasup avataatigut qaangiuttoornerit sivikinnerpaamik nal. akunneri 4-aappata taakku suliffioreersut saniatigut qaangiuttoornersiamik nal. akunnerata 1-ip nalinganik ilanegassapput.

Imm. 6. Suliffiup nalinginnaasup avataatigut sulisoq suliartoqquneqarpat minnerpaamik nal. akunneri 4-t tunniunneqassapput.

§ 7

Pigaartuuneq.

Nalinginnaasumik piffissap suliffiup avataani atorfilik pigaartooq-
quneqarsinnaavoq imatut:

- I. Angerlarsimaffimmit pigaartuuneq aggersarneqarnikkut piaar-
nerpaamik suliyartornissamik pisussaaffilimmik.
- II. Napparsimmavimmiittussaalluni pigaartuuneq.

Imm. 2. Imm. 1-imi taaneqartutut pigaartuusarnerit ulloq unnuarlu
naallugit peqqussutaasinnaapput, ullormut tamakkiisumik suliffiusus-
saanngitsuni (annermik sapaatini nalliuttunilu).

Imm. 3. Suliassa qarfiuallaanngitsumik pigaartuunermi nal. akunneranut
akissarsiat imaapput:

Pigaartuuneq	I) nal. akunneranut 29,00 kr.
Pigaartuuneq	II) nal. akunneranut 61,00 kr.

Imm. 4. Piffissamut, aggeqquneqarnermit naatsorsorlugu, pigaartuune-
rup nalaani suliffiorpiartumut, qaangiuttoornerisigartitsineqassaag
imaluunniit sulinnigiffegartitsineqarluni, tak. § 6, aamaattoq ag-
geqqusineq ataaseq tamatigut sivikinnerpaamik nal. akunneranik ata-
atsimik sulinertut naatsorsuullugu. Qaangiuttoorneq imaluunniit
sulinnigiffegartitsinissaq tunniunneqartassaag nal. akunnera aallarti-
ttoq suliffiorpiartooq tunngavigalugu aammalu nal. akunnerani ataatsi-
mi arlaleriarluni aggeqqusinermit nal. akunneranut ataasiinnarmut qan-
giuttoornerisigartitsineqartassaag imaluunniit sulinnigiffegartitsine-
qartassalluni.

Imm. 5. Nal. akunnerinut tamanut suliaasaqarfiuallaangitsunut aamma pigaartuunerup nalaani nal. akunnerinut siullernut 8-nut suliffiorpiartunut imm. 3. malillugu pigaartuunermut akissarsisitsisoqassaaq. Nal. akunnerisa 8-t avataatigut piffissanut suliffiorpiartunut § 6-imi imm. 1 aamma 2 malillugit qaangiuttoornersisitsisoqassaaq sulinngiffeqartitsisoqarluniluunniit. Pigaartuunerup nalaani piffissaq suliffiorpiartoq imm. 4-mi allassimasutut naatsorsorneqartassaaq. Ulloq unnuarlu pigaartuuneg ulloq naallugu sulinertut ilaassaaq § 2 imm. 1-imi sapaatit akunnerannut piffissat suliffissat aalajangersarnerini.

Imm. 6. Sulisut pigaartuunngikkaluarlutik nalinginnaasumik piffissap suliffiup avataani suliartoqqunegartut akissarsiaqartinneqassapput imaluunniit sulinngiffeqartinneqassallutik qaangiuttoornersiaqarnerut, tak. § 6 imm. 1 aamma 2 taamaattoq minnerpaamik nal. akunnerinut 3-nut.

- Nal. akunneri 3 qaangerlugit sulinermut qaangiuttoornersiaqartitsineqassaaq imaluunniit sulinnginnerisiaqartitsineqarluni nal. akunnerisa aallartinneri tamaasa tunngavigalugit aamma nal. akunnerisa 3 ingerlanerini arlaleriarluni aggeqqusinernut qaangiuttoornersiaqartitsineqassaaq imaluunniit sulinnginnerisiaqartitsineqarluni taamaallaat nal. akunnerinut 3-nut.
- Sulinnginnermi nal. akunneri 4 inorlugit sivissuseqartussamik aggeqqusisoqartillugu akissarsisitsisoqartassaaq sulinngitsitsisoqarluniluunniit qulaani allattorneqartut malillugit. Aggeqqusinnermi nal. akunneri 4-simappata sinnersimallugilluunniit taava sulinnginneq peerneqarallartutut naatsorsuunneqassaaq, tak. § 8 imm. 3.

Imm. 7. Suliffeqarfimmi pissutsit tunngavigalugit tamanna ajornartinagu, pinartoqanngitsumik pigaartuuneg aamma sulinnginnermik taarteqartinneqarsinnaavoq, taamaalilluni pigaartuuneg I-tut taaneqartoq tunngavigalugu akunnerit 3-t pigaartuunerit tamaasa aammalu pigaartuneg II-tut taaneqartoq tunngavigalugu akunneq 1 minutsillu 20-it pigaartuunerit tamaasa, akunnermik ataatsimik sulinngiffeqartitsisoqartassalluni.

Imm. 8. Sulisut imm. 1-imi aamma imm. 2-mi pinegartutut pissusilimmik pigaartuuffiisa qaammammut nal. akunneri 140 sinnersimappagit, taakku malittaanni nal. akunnerini pigaarfinnut 70-inut immikkut ittumik akissarsisitsisoqartassaaq nalinginnaasumik pigaartuunermi akissarsiap 75%-ianut naapertuuttumik aammalu taakku qaangerlugit pigaartutut sulinermit immikkut ittumik akissarsisitsisoqartassalluni nalinginnaasumik pigaartuunermi akissarsiap 100%-ianut naapertuuttumik. Ulloq unnuarlu pigaartuuneq, tak. imm. 2, naatsorsuinermit tamatumani nal. akunneri 16-tut naatsorsorneqartassapput.

§ 8

Persaqusersorneqarnermut akiliutit.

Atorfilik nalliuttuni sapaatit avataaniittuni sulinngiffeqartussaataavoq imaluunniit taartisisussaataavoq soorlu allatigut sulinngiffeqarnikkut.

Imm. 2. Ukiup ferierfissap naannginnerani sulinngiffeqarfissanik taarsiisoqanngippat imm. 3 naapertorlugu (sulinngiffik annaasaq) aningaasanngorlugu akissarsissutigineqassaaq. Nalliuttuni sulinerit akilerneqarnerisa saniatigut sapaatini sulinertut akiliuteqartogassaaq.

Imm. 3. Atorfilik sapaatit akunnerannut ullormik ataatsimik sulinngiffeqartinneqassaaq ullorlu taanna pigaartuuffiussanngilaq. Ulloq sulinngiffik suliffissanngortinneqarpat sulinngiffissamik allamik taarserneqassaaq ullormi suliffiusariagartumi nal. akunneri suliffigineqartut 33 1/3%-inik ilallugit nal. akunneri ilivitsunngorlugit imaluunniit ullormi suliffissanngortinneqartumi nal. akunneri suliffiusut qaangiuttoornersissutigineqassapput - taamaattorli minnerpaamik nal. ak. 6-ni sulinertut.

Imm. 4. Sulinngiffiusartut ilaannaasa sapaatikkut pisarneri pissutigalugit atorfillip sapaatip ulluani unnuaanilu nal. akunneri suliffigisani tamaasa, nal. akunnerata affanik sulinngiffeqarfissanik pissarsissutigissavai.

Imm. 5. Taamatut sulinngiffeqarfiussamat taarsiuullugu nal. akunneranut ajunngitsorsiasaqartitsisoqarsinaavoq qaammammut tunngaviumik akissarsiat 1/4%-iannik. Piffissaq tamaat sulisut akissarsiasa nikerarfiini inissisimaffik tunngavigalugu 1/4%-iatut (aamma suliffiup ilaannaani sulisunut) tamatigut tapisiasaq naatsorsorneqartassaaq. Tapisiaq pineqartoq aamma sapaatip ulluani unnuaanilu qaangiuttoornerit tunngavigalugit tunniunneqassaaq. tak. imm. 3.

Imm. 6. Arfininngornerni nal. 14.00-imiit nal. 24.00-mut sulinerni immikkut tapisiaq nal. akunneranut 23,42 kr.-it akissarsissutigineqassapput.

Imm. 7. Nal. 17.00-ip aamma 06.00-ip akornanni peqquneqarluni sulisunut nal. akunneranut 16,30 kr.-nit saniatigut tapiliunneqassapput.

§ 9

Immikkut ittumik akiliutit tunniunneqarneri.

§§ 6, 7 aamma 8-mi taaneqartunik pisoqartillugu tassa tapisiaqartitsisoqarsinnaatillugu sulinngitsitsineqarsinnaanerani, sulinngitsitsineqaraangat ilanngaassisogartassaaq nal. akunnera ataaseq suliffik naatsorsuutigalugu ukiumut aningaasarsiat 1/2080-imik agguarnerattut. Aningaasanngorlugu tunniunneqarnerat nal. akunnerisalu sulinngiffiusimasinnaasut ilanngaatigineqarnerat pisassaaq aningaasarsiat allagartaani qaammatip taamatut ittumik suliffiup sulinngiffiusimasulluunniit tulliani.

§ 10

Atorfimmut imiikut ittumut tapit.

§ 3-mi akissarsiat taaneqartut nalinginaasumik piumasagaatitarisaanut il.il. ilaanngitsunik suliatigut, allaffissornikkut, pisinnaasariagartutigut allatigulluunniit imikkut inissisimasunik atorfinitsistsisoqartillugu, akissarsianut tapit atugassarititaajunnartullu allat pillugit isumaqatigiissuteqartut akornanni immikkut isumaqatigiissuteqartoqassaaq.

§ 11

Ataasiakkaanut tapinut immikkoortitat.

Sulisut 1. april 20114-mi ataasiakkaanut tapisiallit nammineq tapisiatut suliuunaarnissap tungaanut tapisariinnassavaat.

§ 11 A

**Ilinniaqqinnermi, oqaluttaasarnermut
pisortaanermullu tapisiat.**

Peqqinnissamik siammarsaasut aamma ernisussiornermi ikiortit ataani allassimasunik ilinniaqqinnermik naammassinnissimasut qaammammortumik tapisiaqartinneqarsinnaapput imaattunik:

- a) Tarrarsuisartutut ilinniaqqinnermut I-imutimaluunniit audiometrimut ilinniaqqinnermut: 350,00 kr.
- b) Tarrarsuisartutut ilinniaqqinnermut II-mut imaluunniit kinguaassiuutitigut nappaatit pillugit ilinniaqqinnermut: 500,00 kr.
- c) Tarrarsuisartutut ilinniaqqinnermut III imaluunniit laboratoriem iikiortitit ilinniaqqinnermut: 760,00 kr.

Taaneqartutut tapisiaqartitsinissamut pineqartup ilinniaqqinnernut tunngasunik suliaqarsimanagera tunngaviussaaq.

Imm. 2. Ilinniaqqinnerit allat inissinneqassapput a)-mi, b)-mi c)-milu tapisiat angissusaannut illuatungeriit isumaqatigiissuteqarne risigut. Tapisiat annertussusiat c) atorneqartassaaq ilinniaqqinnernut immikkut sivilisussuseqarluutillu piginnaangorsarfiusunut.

Imm. 3. Peqqinnissamik siammarsaasut angerlarsimaffinnik pulaartartuni imaluunniit meeqqerisuni sulisunut ukiup affaani naleqquttumik ilinniartinneqarsimasut 660,00 kr-nik tapisiaqartinneqassapput suliassa qarfiit taaneqartut iluini namminersorlutik suligunik.

Imm. 4. Sulisumut ataatsimut tapisiat imm. 1-imi taaneqartut arlaat ataasiinnaq tapisiaritinneqarsinnaavoq. Napparsimavinni immikkoortortalersugaanngitsuni imm. 1-imi tapisiat ataatsimoortillugit sulisumut ataatsimut tapisiaritinneqarsinnaapput.

Imm. 5. Peqqinnissamik siammarsaasut aamma ernisussiornermi ikiortit sulinerup ilarujussuani oqalutsitut atuuttut, assersuutigalugu angerlarsimaffinni nivarsianut oqaluttaasartut, Kalaallit Nunaanni Naalakkersuisut isumaqatigereerlugit oqalutsitut tapisiaqartinneqarsinnaapput qaammammut 500,00 kr.-nik.

Imm. 6. Peqqinnissamik siammarsaasut utoqqaat illuini assigisaaniluunniit pisortatut atorfillit, illuatungeriit isumaqatigiinnerisigut pisortatut tapisiaqartinneqarsinnaapput qaammammut 2.000,00 kr.-nit angullugit.

Imm. 7. Peqqinnissamik siammarsaasut napparsimavinni pisortatut atorfillit, illuatungeriit isumaqatigiinnerisigut pisortatut tapisiaqartinneqarsinnaapput qaammammut 2.000,00 kr.-nit angullugit.

Imm. 8. Peqqinnissamik siammarsaasut, naartunermi ernereernerullu kingorna isumaginninnissamik pikkorissarsimanermut allagartallit(Perinatal), tapisiaqartinneqassapput qaammammut 500,00 kr.-nit.

Imm. 9. Peqqinnissamik siammarsaasut imm. 6 aamma 7-mi pisortatnut tullersortitut inissisimasut , illuatungeriit isumaqatigiinnerisigut tapisiaqartinneqarsinnaapput qaammammut 1.000,00 kr.-nit angullugit.

Imm. 10. Peqqinnissamik siammarsaasut tararsuisinnaanermut ilinniar-
tinneqarsimasut/kursus-sersimasut, iluarsissutitaqanngitsumik aam-
malu soraarnerussutisiassateqaataasussaangitsunik qaammaammut 350,00
kr.-inik tapisiaqartinneqarsinnaappat.

§ 12

Suliamut aalajagersimasumut tapeq.

Nunatsinni Peqqinnissaqarfiup ataani isumaqatigiissut manna atuuttoq
najoqqutaralugu atorfeqartumut tapeqaataasinnaavoq Qarasaasiatigut
Napparsimasut Allattorsimaffianut immikkut ilisimasalittut
atuisuutilluni qaammammut 1000,00 kr.-inik.

§ 13

Pikkorissutsimut tapisiat.

Isumaqatigiissut manna tunngavigalugu atorfinitsinneqarsimasunut pik-
korissutsimut tapisiaqartitsisoqarsinnaavoq qaammammut kr. 500,00-
nik. Pikkorissutsimut tapisiat inummut ataatsimut arlalinngorlugit
tunniunneqarsinnaapput.

Imm. 2. Tapisiat sulisunut suliatigut pikkorissutsikkullu imaluunniit
allatigut immikkut inississimasunut tunniunneqartassapput, taamatut
inissisimaneq isumaqatigiissummi matumani nalinginnaasumik tunngavi-
usuni akissarsiatigut taaneqartunut il.il. ilaatinneqanngippat.

Imm. 3. Kommune-it ataasiakkaat, Namminersorlutik Oqartussat sulif-
feqarfiisa immikkoortui ataasiakkaat, matumani suliffiit taakkununnga
atasut ilanngullugit, kiisalu Namminersorlutik Oqartussat aktiaa-
teqarluni ingerlatseqatigiiffiutai tapisiassanik aalajangersimasunik
amerlassusilinnik agguaassassaminnik tunineqartassapput. Immik-
koortortaqarfinnut ataasiakkaanut tapisiassat amerlassusissaat Anin-
gaasaqarnermut Sulisoqarnermullu Aqutsisoqarfiup isumaqatigiinniar-
nermut immikkoortortaqarfiata nalunaarutigisassavai.

Imm. 4. Najukkami sulisitsisup najukkamilu tassani sulisut sinniisaa-
ta imaluunniit S.I.K.-p akornanni isumaqatigiinniareernikkut tapisia-
ssat taakku kommunit suliffeqarfiillu ataasiakkaat iluanni agguataar-
neqartassapput.

Imm. 5. Tapisiat atorfimmut allamut nuunnermi peerneqartassapput.

Imm. 6. Pikkorissutsimut tapisiat inuttaaruttut isumaqatigiinniuti-
geqqinneqareernerermikkut atorneqaqqissinnaalertassapput, tak. imm. 4.

Imm. 7. Pikkorissutsimut tapisiat agguataarneqarnissaat isu-
maqatigiissutigineqarsinnaanngippat apeqgut isumaqatigiissuteqartutut
illuatungeriinnit aalajangiiffigineqartassaaq.

§ 14

Suliartoqqunegaratarsinnaanermut tapisiat.

Peqqinnissamik siammarsaasut/ernisussiornermi ikiortit sygeplejesta-
tionini atorfeqartut §§ 6, 7 aamma 8-imi tapinut il.il. taarsiullugu
suliartoqqunegaratarsinnaanermut tapisiaqartinneqassapput qaammammut
3.800,00 kr.-nik.

Imm. 2. Imm. 1-mi tapisiat pineqartut aamma peqqinnissamik siammar-
saasunut/ernisussiornermi ikiortinut peqqissaasuni angerlarsimaffin-
nik pulaartartuni/meeqgerisuni utoqqaat illuini sulisunut tunniunne-
qarsinnaapput, taakku suliamik kisermaassillutik imaluunniit
suliffiup avataatigut annertuumik suliaqarpata.

Imm. 3. Peqqinnissamik siammarsaasunut/ernisussiornermi ikiortinut
utoqqaat ataatsimoorussamik angerlarsimaffiini imaluunniit utoqqaat
illuini pisortanut §§ 6, 7 aamma 8-imi tapinut il.il. taarsiullugu
suliartoqqunegaratarsinnaanermut tapisiaqartitsisoqassaaq qaammammut
4.400,00 kr.-nik.

Imm. 4. Peqqinnissamik siammarsaasut aamma ernisussiornermi ikiortit qaangiuttoornerit il.il. nakkutigiuminaatsumik ingerlanneqartunut §§ 6, 7, aamma 8-mi tapisianut il.il. pineqartunut taarsiullugu suliartoqqunegaratarsinnaanermut tapeq tunniunneqarsinnaavoq. Tapisiap annertussusia illuatungeriit isumaqatigiissuteqarnerisigut aalajangerneqartassaaq.

§ 15

Assassorluni anersaartortitsineq aammalu qimagussuineq i.il.

Peqqinnissamik siammarsaasut/ernisussiornermi ikiortit napparsimasunik anerningiattunik assassorluni anersaartortitseqataanerini aammalu napparsimasut nillarsagaanerisa nalaanni imaluunniit kissamik seqersittarnerisa nalaanni paarsineq sulisunut iluaatsuuppat, nal.akunneranut sulinerit tamarmik nal.akunneranik 1 1/4-imik sulinerit naatsorsorneqassapput.

Imm. 2. Peqqinnissamik siammarsaasut/ernisussiornermi ikiortit timmisartorlutik ikiuiartorasuaqataanerinit 112,20 kr.-nirik tapisiaqartitsisoqassaaq.

§ 16

Napparsimasunik ingialluineq.

Napparsimasup Kalaallit Nunaannut, Kalaallit Nunaanni Kalaallit Nunaanniillu angallanneqarnerani isumannaatsumik passunneqarnissaa pissutigalugu nakorsap pisariaqartippagu peqqinnissamik siammarsaasumik/ernisussiornermi ikiortimik ingiallorneqarnissaa malerua-gassat makku malillugit aningaasarsisitsisoqartassaaq:

Imm. 2. Piffissami ullup suliffiusussap suliffigisamit aallarfiissatut naatsorssuutigineqartumiit napparsimasumik ingialluinerup naammassinnissaata tungaanut piareersimanertut II-tut aningaasarsisitsisoqassaaq.

Imm. 3. Piffissaq sulisup napparsimasumik akisussaaffeqarnera imm. 4 naapertorlugu nal.akunneri aallartinneri tamaasa suliffiorpiartutut naatsorsuunneqassaaq.

Imm. 4. Ulloq unnuarlu pigaartuunermi malittarisassat uku atuupput: Pigaartuunerup nalaani nal. akunnerinut tamanut suliffiorpiann-gitsunut kiisalu nal. akunnerinut 8-nut suliffiorpiartunut siullernut § 7, imm. 3 naapertorlugu pigaartuunersiaqartitsisoqassaaq. Nal. aku- nneri 8 sinnerlugit suliffiorpiartunut § 6 imm. 1 aamma naapertorlugu qaangiuttoornersisitsisoqarluniluunniit sulinngitsitsisoqassaaq. Ulloq unnuarlu pigaartuunep sap. akunneranut piffissami suliffiusussa- mi § 2, imm. 1-imi aalajangersarneqartumi aalajangersarneqartumi ullortut tamakkiisumik suliffittut naatsorsuunneqassaaq.

Imm. 5. Imm. 3 naapertorlugu suliffiorpiartunut atatillugu sapaatini nalliuttunilu sulinermut tapisiaqartitsisoqassaaq, arfininngornermi sulinermut tapisiaqartitsisoqassalluni, kiisalu unnukkorsiornermut unnuarsiornermullu tapisiaqartitsisoqassalluni piffissat pineqartut iluanni suliffiorpiarpa.

Imm. 6. Napparsimasunik ingialluilluni angalanerni Namminersorlutik Oqartussani kommunenilu tjenestemandinut aalajangersakkat atuuttut naapertorlugit ullormusiaqartitsisoqassaaq. Aningaasartuutit nap- parsimasup angalanermi nerisaqarneranut pisariaqartitat upper- narsaatillit tamakkiisumik taarsiissutigineqassapput.

Imm. 7. Peqqinnissamik siammarsaasumut/ernisussiornermi ikiortimut nalinginnaasumik napparsimmavimmi sulinerminniit napparsimasunik in- gialluinermt peqquneqartumut/ikaarsaariartumut piffissaq napparsi- masunik ingialluilerfik piffissatut suliffissatut aalajangersarsima- sutut aallartiffianit naatsorsuutigineqalissaaq, piffissaq pineqartoq ingialluilluni angalanissamit siusinneruppat.

Imm. 8. Ullut sulinngiffissatut pilersaarutigeriikkat ullormi aallar- fimmi tikiffimmiluunniit pisut sulinngiffissatut annaasatut akiler- neqassapput, taamatuttaarlu ullut sulinngiffeqarfissasatut piler- saarutigineqartut ingialluinerup nalaani sulinngiffiunngitsoortut sulinngiffissatut annaasatut akilerneqassapput.

Imm. 9. Napparsimasunik ingialluinermti atuutissapput Namminersorlutik Oqartussat ataatsimoorussamik angalanermi sillimmasiissutaat.

§ 17

Sulinermut atatillugu angalanerni saniatigut aningaasartuutaasartut, tassunga ilanngullugit ullormusiat, unnuinermusiat (akunnittarfirmiinnermut atugassat) atortussarsiutillu.

Sulisartut angerlarsimaffittut najukkamik avataannut suliarторallartitaasut aningaasanik pissarsiassaqartinneqassapput malittarisassat tjenestemandinut Namminersorlutik Oqartussani kommunenilu sulisunut atuuttut naapertorlugit, taakkulu immikkut takussutissiami takuneqarsinnaapput.

§ 18

Nerisanut ineqarnermullu akiliutit.

Peqqinnissamik siammarsaasut, ernisussiornermi ikiortit aamma peqqinnissamik siammarsaasutut ilinniartut suliffeqarfiup nerisaqartitsinerani peqataasartut tamatumunnga akiliuteqassapput niviarsiat nerisaqarnermut akiliutaannut qanoq ilisukkulluunnit atuuttunut naapertuuttumik.

Imm. 2. Inimi ataatsimi ineqarnermut, tassa imaappoq napparsimmavimmi, napparsimmaveeqgami imaluunniit peqqinnissamik siammarsaasut aamma ernisussiornermi ikiortit qaammammut 500,00 kr.-nik akiliuteqartassapput.

§ 19

Ineqarneq.

Atorfinnik inuttassarsiuussinerni ineqarneq pillugu makku nalunaarneqartassapput:

- a) Inissaqartitsisoqartoq malittarisassat qaqugukkulluunniit atuuttut naapertorlugit, imaluunniit
- b) inissaqartitsisoqanngitsoq, imaluunniit
- c) atorfirmut atatillugu pisussaaffeqartoq suliffimmut atatil-lugu inigisassaataasumik ineqarnissamut.

Imm. 2 Atorfinitsinneqartup inissiaq innersuunneqartog najugariumangippagu, inissiamik allamik innersuussisoqarsinnaangilaq.

Imm. 3. Imm. 1, a) naapertorlugu inissianut innersuunneqartunut ineqarnermut akiliuteqartoqartassaaq Namminersorlutik Oqartussat kommunellu inissiaataanni ineqarnermut akiliuteqartarnermut malittarissat qaqugumulluunniit atuuttut naapertorlugit. Inissiamik innersuunneqartumik sumiginnaasoqarpat anisitaanermik kinguneqartumik, inissiamik allamik innersuussisoqarsinnaangilaq.

Imm. 4. Atorfillit imm. 1, c) naapertorlugu suliffimmut atatillugu inigisassaataasumik ineqartut ineqarnermut akiliuteqartassapput malleruagassat tjenestemandinut Namminersorlutik Oqartussani kommunenilu sulisunut qaqugukkulluunniit atuuttut naapertorlugit, taakkulu immikkut takussutissiami takuneqarsinnaapput.

§ 20

Atorfininnermut atatillugu akiliunneqarluni angalaneq.

Atorfininnermi Danmarkimi Kalaallit Nunaanniluunniit angerlarsimaffiup suliffeqarfigisallu akornanni akiliunneqarluni angalatitsisoqassaaq inuttassarsiuussilluni allagarsiussaq naapertorlugu inissaqartitsisoqarpat imaluunniit atorffimmut atatillugu inigisassaataasumik najugaqarnissaq pisussaaffiuppat, tak. § 19, imm. 1, a) aamma c).

Imm. 2. Akiliunneqarluni atorfininnermi angalaneq aamma ilaatinneqarput atorfeqartup aapparisa katissimanngikkaluarluguluunniit inooqatigisaa kiisalu meeqqat 18 inorlugit ukiullit. Taama ilaqutariit akiliunneqarlutik angalanerat sapingisamik ataatsimoorluni ingerlaniarneqartassaaq.

Imm. 3. Taama akiliunneqarluni atorfininnermi angalaneq inummut namminermuinnaq tunngatitaavoq allanullu tunniunneqarsinnaanani. Akiliunneqarluni angalasinnaatitaaneq atorneqanngitsoq taartisissutigineqarsinnaangilaq.

Imm. 4. Atorfininnermi akiliunneqarluni angalasinnaatitaanermi aqqutit sulisitsisumit innersuunneqartut atorneqartassapput.

Imm. 5. Atlantikoq ikaarlugu billetimi Danmarkimi namminermi angalaneq ilaagaangat taamaallaat matussuserneqarsinnaapput najukkap nunallu immikkoortuani mittarfiup akornanni tamanut angallasissutit atorlugit akikinnerpaamik angallanneqarnermut aningaasartuutit uppernarsarneqarsinnaasut. Allatut angalasoqartillugu najugarisap Kastrup-illu mittarfiata akornanni tamanut angallassissutit atorlugit angallanneqarnermut akikinnerpaamik aningaasartuutit matussuserneqartassapput.

Imm. 6. Københavniinnermi aningaasartuutaajunnartut atorfeqartup nammineq nammineq akilissavai.

Imm. 7. Nunatsinni namminermi atorfininnermut atatillugu akiliunneqarluni angalanermi taamaallaat matussuserneqartassapput najugaqarfiup atorfeqarfissallu akornanni tamanut angallassissutit atorlugit akikinnerpaat angalanermut aningaasartuutigisimasat uppernarsarneqarsinnaasut.

Imm. 8. Atorfininnermi pigisat assartorneqassapput malittarisassat tjenestemandinut Namminersorlutik Oqartussani kommunenilu atorfilinut qaqugukkulluunniit atuuttut naapertorlugit, taakkulu immikkut takussutissiami takuneqarsinnaapput.

§ 21

Sulinngiffeqarneq sulinngiffeqarnerstiutillu.

Sulisut feriernersiuteqarneq feriernerlu pillugit Inatsisartut inatsisaat nr. 10 12. november 2001-imeersoq naapertorlugu sulinngiffeqarsinnaatitaapput. Inatsisip § 2-at naapertorlugu aalajangersakkat ataani immikkut taaneqartut makku isumaqatigiissutigineqarput.

Imm. 2. Sulisut Inatsisartut inatsisaanni § 15, imm. 2 naapertorlugit 12½ %-nik sulinngiffeqarner siuteqarluni sulinngiffeqarneq akissarsiaqarluni sulinngiffeqarnermut taarsiullugu toqqarpassuk ullut sulinngiffeqarfiit amerlassusii naapertorlugit aningaasarsiat ilanna gaaffigineqassapput. Sulinngiffeqarner siutit ukiumut aningaasarsiarisimasanut naatsorsorneqassapput.

Imm. 3. Soraarnermi aningaasarsiat 12½ %-ii sulinngiffeqarner siutisatut tunniunneqassapput.

Imm. 4. Sulinngiffeqarnermi aningaasanik pisassanik piunnaqarneq sulisitsisumut saqqummiunneqassaaq ukiup sulinngiffeqarfissaasimasup qaangiutereernerani kingusinnerpaamilli qaammatit pingasut qaanngiutinnangit. Taamaanngippat aningaasat Sulinngiffeqarnermut Aningaasaateqarfimmuut nakkassapput, tak. Sulinngiffeqarnermut Aningaasaateqarfik pillugu isumaqatigiisummut tapiliussa.

§ 22

Naartuneq, ernineq qitornavissiartaarnerlu.

Sulisut sulinngiffeqarsinnaatitapput, naartunermi, ernereernerup kingorna qitornavissiartaarnermilu Inatsisartut inatsisaat qaqugumulluunnit atuuttoq naapertorlugi. (maannakkut Inatsisartut inatsisaat nr. 14, 7. december 2009-meersoq).

Imm. 2. Sulinngiffeqarnerup nalaani sulisoq akissarsiani piginnarlugit sulinngiffeqarsinnaavoq Inatsisartut peqqussutaanni nr. 7. 22. oktober 1990. Uani takussutissiami takuneqarsinnaavoq akissarsiaqarluni naartunermi meeqqamillu ataatsimik meerartaarnermi:

Anaanaq: sap.ak. marluk erninissaq sioqqullugu	Anaanaq: sap.ak. 14-it kingorna	Tamarmik: sap.ak. sisamat avinneqartussat imm. anaanaasup kisimi.
	Ataataq: sap.ak. 1-p kingorna	

§ 23

Napparsimaneq.

Sulisoq napparsimanini pissutigalugu sulisinnaangippat, taassuma kinguneranik sulinnginneq inatsisinik unioqqutitsinani sulinnginnertut isigineqassaaq, sulisoq sulinermi piaaraluni mianersuaalliorujussuarluniluunniit napparsimalersimangippat imaluunniit atorfininnermi salloqittaalluni napparsimanini nipangiusimasimangippagu.

Imm. 2. Sulisitsisut aamma atorfillit akornanni pissutsit pillugit Inatsisartut inatsisaat naapertorlugu sulisunut napparsimanermi aammalu piffissami sivikillisakkamik soraarsitsinermi qaammatini tulleriiginnarni ullut 120-imi akissarsiaqartitsilluni periaatsit atuupput.

Imm. 3. Sulisut imm. 2-mi pineqangitsut qaammatini tulleriiginnarni aqqaneq marlunni katillugit ullut 120-imi napparsimanermi akissarsiaqarsimappat, qaammatip naaneranut imatut siumut ilisimatitsererluni soraarsitsisoqarsinnaavoq:

Suliffeqarfimmi ataatsimi;

- ukiuni 0 - 5 atorfeqareernermi: qaammat ataaseq
- ukiuni 6 - 8 atorfeqareernermi: qaammatit pingasut
- ukiuni 9 - sivirusunerumillu atorfeqareernermi: qaammatit sisamat.

Soraarsitsinerup atuutitinneqarnissaanut piumasagaataavoq ullut napparsimaffiit 120-it taakku naanerannut atatillugu soraarsitsisoqassoq aammalu inuk pineqartoq suli napparsimatilluugu, kisiannili atuutitinneqarsinnaaneranut apeqqutaangilaq inuk pineqartoq soraarsitsinissap nalunaarutigineqareernerata kingorna suliffimminut utersimappat.

Imm. 4. Kisiannili imm. 2 aamma 3-mi aalajangersagaq malillugu atorfeqarnermit soraarsitsisoqarsimappat, atorfinititseqqittoqartariaqarpoq inuk pineqartoq sulileqqissinnaalpat aammalu suliffeqarfimmi pineqartumi inuup pineqartup sulinissaa atorfissaqartinneqarpat.

Imm. 5. Suliffimmiit napparsimaneq piqqutigalugu qimagussimaneq nakorsap uppersarsaanageratigut uppersarsarneqarnissaa piumasarineqarsinnaavoq.

Imm. 6. Nakorsat uppersarsaataat imm. 5 malillugu piumasarineqartut sulisitsisumit akilerneqassapput.

§ 24

**Meeqqap napparsimanerani ullormi siullermi
sulinngiffeqarsinnaatitaaneq.**

Atorfilik tamakkiisumik ilaannakuusumilluunniit akissarsiaminik annaasagarani sulinngiffeqarsinnaatitaavoq meeqqap nukangasup napparsimanerani ullormi siullermi.

Imm. 2. Sulinngiffeqarsinnaatitaanermi piumasagaataavoq:

- a) Ulloq tassaappat meeqqap napparsimaffia siulleq,
- b) meeqqap atugai patsisigalugit tamanna pisariaqarpat,
- c) atorfeqarfimmi pissutsit patsisaallutik tamanna ajornangippat,
- d) meeraq angerlarsimappat.

Imm. 3. Ullut napparsimaffigisimasat nalunaarsorsimaffiat taperneqassaaq ilisimatitsissummik meeqqap napparsimanerani ullormi siullermi peqannginnermik.

Imm. 4. Aaqqissuussineq atornerluinermi sulisunut ataasiakkaanut atortussaajunnaarsinneqarsinnaavoq.

§ 25

Meeqqap napparsimanerani sulinngiffegarnerit allat.

Meeqqap 16 tikillugit ukiullip illoqarfimmi najukkami imaluunniit illoqarfimmi allami unittariaqalernerani, angajoqqaap peqqinnis-saqarfiup akiligaanik illoqarfinnut allanut ingialluinerani, meeqqal-lu uninnganerata nalaani ullut 12 tikillugit akissarsiani nalingin-naasut piginnarlugit sulinngiffegarsinnaavoq.

Imm. 2. Meeqqap napparsimmavimmut uninnissaa angajoqqaallu uneqataan-issaa ingiallortaanissaalu nakorsamit uppersarnerqassaaq.

Imm. 3. Taamatuttaaq imm. 1, naapertorlugu sulinngiffeqartitsisoqar-sinnaavoq meeqqap angerlasimaffimmini innangatinneqarnissaa nakorsa-mit innersuunneqarpat/uppersarnerqarpat.

Imm. 4. Immikkut illuinnartumik pissutissaqartillugu nakorsamillu up-persarnerqarpat sulinngiffeqarneq sivitsorneqarsinnaavoq ullut 5 tikillugit.

§ 26

Sulinngiffegarnerit immikkut ittut allat.

Ilaquttat qanigisat napparsimaruloortillugit aamma/imaluunniit ilisaanerini atorfilik ukioq ataaseq atorfeqarsimaguni akiliunne-qarluni angalasinnaatitaavoq sulinngiffeqarsinnaatitaallunilu ilaqut-tat qanigisat napparsimaruloortillugit aamma/imaluunniit ilisaaneri-nut atatillugit akiliunneqarluni angalasarnerit su-linngiffeqartarnerillu pillugit malittarisassat qaqugumullunniit Ka-laallit Nunaanni tjenestemandinut atuuttut naapertorlugit, taakkulu immikkut takussutissiami takuneqarsinnaapput.

Imm. 2. Sulinngiffeqarnissamik aamma akiliunneqarluni angalanissamik qinnuteqaat sulisitsisumut allaganngorlugu tunniunneqassaaq.

Imm. 3. Ilaquttat qanigisat tassaapput: angajoqqaat, aappat taamaattutullu naatsorsuussat, qitornat qatanngutillu, kisianni aap-pap ilaqutai taamaattutullu naatsorsuussat pinnagit.

§ 27

Sulinngiffeqartarnerit.

Qaammatisiutit naapertorlugit ulluni nalliuttuni atorfilik sulinn-giffeqarsinnaatitaavoq, ullutut nalliuttutut uku naatsorsuunneqassap-put:

- a) ilagiit Lutherikkut nalliuttui,
- b) juulliaraq,
- c) ukiutoqaq,
- d) kunngit pingasut ulluat (nal. 12.00 kingornatigut),
- e) 1. maj (nal. 12.00 kingornatigut) aamma
- f) kalaallit inuiattut ullorsiorfiat 21. juni.

§ 28

Qinikkatut pisortanillu toqqakkatut suliassaqtartitaanerit.

Isumaqtigiissut una naapertorlugu atorfillit qinikkatut pisortanillu suliassaqtartitaanerit pillugit Namminersornerullutik Oqartussat qinikkatut pisortanillu toqqakkatut suliagarneq pillugu nalunaarutaat nr. 5, 15. marts 1994-meersoq naapertorlugu sulinissaminnut sulinn-giffeqarsinnaatitaapput.

Imm. 2. Imm. 1 malillugu suliffigisamiit qimagusimaneq piffissami nalinginnaasumik suliffiusussaagaluami ilinniagaqarsimasunut aamma ilinniagaqarsimanngitsunut isumaqtigiissutit malillugit qaangiut-toornersiaqarfissaq sioqqullugu pisoq sumiginnaanertut isigineqas-sanngilaq. Suliffimmiit qimagusimanissaq sapinngisamik sioqqutsillu-arluni sulisitsisumut nalunaarutigineqassaag.

Imm. 3. Pisortanit suliassaqtartitaaffinni allani SIK-p immikkoor-tortaqarfiini siulersuisunut, SIK-p inuusuttaani siuliersuisunut aammaalu SIK-p siulersuisuunerinut ilaasortat, pisortat oqar-tussaasoqarfiinit piumaffigineqarneq tunngavigalugu ilaasortaaffigi-neqartut imm. 1-mi 2-milu malittarisassat tunngavigineqassapput.

Imm. 4. SIK-p siulersuisuuneri, SIK-p Inuusuttaisa siulersuisuunerini ilaasortat, ataatsimeersuarnerni, nakkutilliisoqarfegarnerani peqataanermut atatillugu SIK-p siulersuisuunerinut aamma SIK-p Inuusuttaisa siulersuisuunerinut ilaasortat, aningaasarsiaqarlutik sulingiffeqarsinnaatitaapput amerlanerpaamik ukiumut sisamariarlutik.

Imm. 5. SIK-p immikkoortorta qarfiini siulersuisut, SIK-p siulersuisuunerini aamma SIK-p Inuusuttaisa siulersuisuunerini ilaasortat, akissarsiaqaratik sulingiffeqarnissartik kissaatigippassuk tamanna akuerineqartariaqarpoq. Taamatut sulingiffeqartoqarsinnaavoq ukiut ataasiakkaarlugit.

§ 29

Sullisit.

Peqqinnissamik siammarsaasut aamma ernisussiornermi ikiortit akeqanngitsumik sulliseqartitaassapput. Tamanna ataasiakkaatigut pisinnaanngikkaangat ukiumoortumik tamatumunnga taartisiaqartitsisogartassaaq 2.136,00 kr.-nirik imaluunniit akeqanngitsumik errorsis-sunneqartarpata ukiumut 1.008,00 kr.-nirik.

§ 30

Toqukkut qimagaanersiutit.

Sulisoq atorfeqarnermi nalaani toqusimappat aapparisaanut tassungalu naligititat imaluunniit qitornaanut 18 inorlugit ukiulinnut qimagaasunut toqusup pilersugarisimasaanut qimagaanersiutit ataani allasimasut naapertorlugit tunniunneqassapput:

Atorfeqar-

figisami	ukioq 1	sulisimappat.....:	Qaam. 1	akissarsiat
-	ukiut 2:	Qaam. 2	akissarsiat
-	ukiut 3	amerlanernilu.....:	Qaam. 3	akissarsiat

§ 31

Soraarniuteqarneq/Soraarsitsineq.

Sulisitsisut aamma atorfillit akornanni pissutsit pillugit Inatsisartut inatsisaat naapertorlugu sulisunut soraarnermut atatillugu ajungitsorsiaqaqarsinnaaneq aammalu soraarniuteqarnermut periaasiusut, ilaatigut misiliutaasumik atorfininneq, utaqqiis-saagallartumik suliaqarneq narparsimanermilu atuupput.

Imm. 2. Sulisitsisut aamma atorfillit akornanni pissutsit pillugit Inatsisartut inatsisaat naapertorlugu sulisunut sulisitsup tungaani sulisumik imatut siumut ilisimatitsererluni soraarsitsisoqarsinnaavoq, misiliutaasumik atorfininneq imaluunniit utaqqiissaagallartumik suliaqarallarneq pineqanngippat:

- a) Atorfininnerup kingorna qaammatini arfinilinni siullerni qaammammik ataatsimik ilisimatitsererluni qaammatip naaneranut
- b) Atorfininnerup kingorna qaammatit arfinillit kingorna qaammatinik pingasunik ilisimatitsererluni qaammatip naaneranut
- c) Taassuma kingorna ukiut atorfeqarnerit pingasukkaarlugit siumut ilisimatitsererluni soraarsitsisinnaanerit qaammammik ataatsimik ilanegartassapput, kisiannili annerpaamik qaammatini arfinilinni.

Imm. 3. Soraarniuteqarneq imm. 2 naapertorlugu piffissaqarluartumik ilisimatitsissutigineqassaaq siumut soraarniuteqarnerup ilisimatitsissutigineqarnerani piffissap iluani pisusanngorlungu.

Imm. 4. Sulisitsisut aamma atorfillit akornanni pissutsit pillugit Inatsisartut inatsisaat naapertorlugu sulisut qaammammik ataatsimik siumut ilisimatitsilluni qaammaatip naaneranut soraarniuteqarsinnaavoq, misiliutaasumik atorfininneq imaluunniit utaqqiissaagallartumik suliaqarallarneq pineqanngippat.

Imm. 5. Sulisut Sulisitsisut aamma atorfillit akornanni pissutsit pillugit Inatsisartut inatsisaat naapertorlugu pineqanngitsut, atorfeqarnermi qaammatini pingasuni siullerni ullunik tallimanik siumut nalunaaruteqarlutik ullormut sumulluunniit soraarsinnaavoq. Tamannalu sulisitsisumiit sulisumiillu atuuppoq. Qaammatit pingasut atorfeqareernerut kingorna soraarniuteqarsinnaanerit imm. 2 b-c aamma imm.4-miitut atuupput.

Soraarniuteqarnermut maleruagassat misiliutaasumik atorfininnermi imaluunniit utaqqiissaagallartumik suliaqarallarnemi siuliani inatsimmi pineqartumi atuutinngillat.

Imm. 6. Sulisitsisup sulisullu soraarsitsinissamik soraarnissamillu siumut nalunaarutaat allaganngorlugu tunniunneqassaaq.

§ 32

**Isumaqatigiinngissutit kinaassusersiortumillu
soraarsitsinerit.**

Isumaqatigiinngissutit suliarineqartassapput aqqiagiinngissutit suliarineqartarnissaannik tunngaviusumik isumaqatigiisummi aalajangersakkat naapertorlugit.

Imm. 2. Inunnik ataasiakkaanik soraarsitsisinnaaneq atorneqaraangat tamanna kinaassusersiornermik tunngaveqartassanngilaq. Tamanna pilugu apeqqutit aqqiagiinngissutit suliarineqartarnissaannik tunngaviusumik isumaqatigiisummi aalajangersakkat naapertorlugit suliarineqartassapput.

§ 33

**Peqqinnissamik siammarsaasut aamma ernisussiornermi
ikiortit nal. Akunnermusiallit.**

Peqqinnissamik siammarsaasut aamma ernisussiornermi ikiortit atorfeqavinnissaq siunertarinagu, kisiannili sulinngiffeqartoqartillugu, napparsimasoqarnerani assigisaannilu taartissatut imaluunniit qaammatit pingasut inorlugit sivisussusilimmik allamik suliaqarallarnissamut sulisussarsiarineqartut, nal. akunnermusialerlugit aningaasarsitinneqartassapput. Qaammatit pingasut sinnerlugit sulereernermi pineqartoq qaammammusiaqalersinneqassaaq, taamaattorli sulisartup kissatigiguniuk nalunaaguttap akunnermusiaqaannarsinnaavoq.

Imm. 2. Ulluunerani sulinermi nal.akunnermusiaq pinegartup ukiut suliffii tungavigalugit § 3 naapertorlugu qaammammusiaritinneqartup 1/173,33-erivai. Taamatuttaaq pegqinnissamik siammarsaasut ernisussiornermilu ikiortit nal. akunnermusiallit pikkorissutsimut oqaluttaanermullu tapisiaqartinneqassapput isumaqatigiisummi §§ 11 A aamma 13 naapertorlugu, isumaqatigiisummi nal.akunnermusiap aalajangersarneqartup 1/173,33-ianik. Pigaartuunermi, unnukkorsiorluni aamma unnuarsiorluni kiisalu arfininngornikkut aamma sapaatini sulinerni §§ 7-mit 9-mut isumaqatigiisummi aalajangersakkat atuutsinneqarput.

Imm. 3. Pegqinnissamik siammarsaasut aamma ernisussiornermi ikiortit nal. akunnermusiallit akissarsiffissaat ullunut 14-inut naatsorsorneqartassaaq, ataasinngornermiit sapaatit akunnerisa marluk naaneranni sapaat ilanngullugu.

Imm. 4. Pegqinnissamik siammarsaasut aamma ernisussiornermi ikiortit nal.akunnermusiallit isumaqatigiisummi § 3-mi skalat malillugit ukiut suliffiit qaffakkiartortarneri naapertorlugit inissinneqassapput. Pegqinnissamik siammarsaasut aamma ernisussiornermi ikiortit nal.akunnermusiaqarnermik nalaani ukiut suliffiit qaffakkiartortarnerinik pissarsisinnaanngillat.

Imm. 5. Suliffiup sivilisussusianut aamma qaangiuttoornernut il.-il. aalajangersakkat pegqinnissamik siammarsaanut aamma ernisussiornermi ikiortit qaammammusialinnut atuuttut atuutsinneqassapput. Taamatuttaaq tjenestemanditut atorfeqanngitsunut, pegqinnissamut ikiortinut, ernisussiornermi ikiortinut aamma pegqinnissamut ikiortitut ilinniar-tunut piffissaq gasuerserfik aamma ulloq unnuarlu sulinngiffik pil-lugit 11. juli 1993 isumaqatigiisutigineqartoq pegqinnissamik siam-marsaasunut aamma ernisussiornermi ikiortinut nal. akunnermusialinnut atuuppoq.

Imm. 6. Peqqinnissamik siammarsaasut aamma ernisussiornermi ikiortit nal.akunnersmusiallit ullut 6 tulleriiginnaat nalliuttut sioqqullugit sulisut (tamatumunnga ilanngullugu ullut sulinngiffissat suliffissatut nalunaarsorfimmiittut) nalliuttuni sulinermi nal.akunneranut suliffiorpiartunut akissarsiap nalinginnaasup saniatigut aamma peqqinnissamik siammarsaasut ernisussiornermilu ikiortit § 8 imm. 3. naapertorlugu sulinngiffissaraluanut annaasanut akiliutit pissarsiarissavaat.

Imm.7. Peqqinnissamik siammarsaasut aamma ernisussiornermilu ikiortit nal. akunnersmusiallit ullunik 6-nik ikinnerusunik nalliuttut sioqqullugit sulippata tamatumunnga nalliuttuni ulluinnartigoortuni qaangiuttoorneq ilanngullugu tamanna peqqinnissamik siammarsaasut ernisussiornermilu ikiortit § 8 imm. 3. naapertorlugu sulinngiffissaraluanut annaasanut akiliutit nal.akunneranut suliffiusunut pissarsiarissavaat.

Imm. 8. Isumaqatigiissut naapertorlugu suliffiup immikkoortoqarfiani piffissaq suliffissaq sivikinneruppat peqqinnissamik siammarsaasut aamma ernisussiornermi ikiortit suliffeqarfiup iluani suliassamik allanik suleqataanissaminnut pisussaaffeqarput. Suliffissap aalajangersakkap avataatigut sulinerni qaangiuttoornerisisitsisoqassaaq.

Imm. 9. Peqqinnissamik siammarsaasut aamma ernisussiornermi ikiortit nal.akunnersmusiallit suliffissaat tamakkiisoq sulisitsisumit atorfissaqartinneqanngippat aammalu sulisitsisoq suliassamik allamik inneruussisinnaanngippat saniatigullu nal. akunneri 4-nik piffissaq suliffissaq sioqqullugu ilisimatitsisoqanngippat sulisitsisup pisussaaffigaa ulloq taanna nal. akunnerinik suliffissatut isumaqatigiissutaareersut nalinginik akissarsisitsinissaq.

Imm. 10. Peqqinnissamik siammarsaasut aamma ernisussiornermi ikiortit nal. akunnersmusiallinnut aalajangersakkat §§ 4-mi, 15-mi aamma 16-miittut aamma 23 atuutsinneqarput.

Imm. 11. Peqqinnissamik siammarsaasut aamma ernisussiornermi ikiortit nal.akunnermusiallit akeqanngitsumik sulliseqartinneqassapput. Tamanna ataasiakkaatigut pisinnaanngikkaangat nal.akunneranut 1,11 kr.-mik tapisiaqartitsisoqassaaq. Taamatullu qaangiuttoornermi aamma nalliut-tuni sulinerne tapisiaq tunniunneqassalluni.

Imm. 12. Peqqinnissamik siammarsaasut aamma ernisussiornermi ikiortit nal.akunnermusiallit sulinerat siumut qaammammik ataatsimik siumut ilisimatitsilluni qaammaatip naanneranut atorunnaarsinneqarsinnaavoq.

Imm. 13. Peqqinnissamik siammarsaasut aamma ernisussiornermi ikiortit nal.akunnermusiallit ullut 6-it ingerlaneranni akissarsiaqaratik ullormi ataatsimi sulinngiffeqarsinnaatitaapput; taamaattoq ulloq sulinngiffissaq suliffimmi pissutsit patsisaatillugit allamut nuutsi-neqarsinnaavoq, soorlu assersuutigalugu unnukkut aamma unnuarsiorlu-ni sulinerit patsisigalugit.

Imm. 14. Peqqinnissamik siammarsaasut aamma ernisussiornermi ikiortit nal.akunnermusiallit feriernersiutissaattut akissarsiaasa 12½ %-iattut annertutigisut katersorneqartarput.

§ 34

Akissarsiat katiternerne.

Akissarsiat § 3-mi imak katitigaapput 1. april 1991-mi tunngaviusumik aningaasarsianik aammalu tunngaviusumik aningaasarsianut tapiliussamik. Tunngaviusumik akissarsianut tapiliussa 1. april 2000 16,4789%-tiuvoq. Skala-mi akissarsiat iluarsiiissutitaqanngitsumik koruuninngorlugu tapiliussamik qaffaavigineqassapput ataanni qaffaatit allassimasut najoqqutaralugit:

01.04.14	ukiumut	
177,00		2.124,00
01.04.15		
191,36		2.296,32
01.04.16		
279,06		3.348,72
01.04.17		
251,95		3.023,40

§ 35

Ikaarsaarnermi malittarisassat.

Sulisut 31. marts 1995 killigalugu isumaqatigiissut 13. juli 1993-meersoq tunngavigalugu atorfeqartinneqartut, isumaqatigiissummi taaneqartumi § 23, imm. 1, "sulinngiffeqarnerit immikkut ittut allat"-mi malittarisassaq atuutiinnassaaq.

§ 36

Piffissaq isumaqatigiissutip atuuffia.


Isumaqatigiissut una 1. april 2014 atuutilerpoq. Isumaqatigiissut iluatungeriinnit tamanit qaammatinik 3-nik siumut ilimasaaruteqarnikkut 31. marts-imut taamaattorli siusinnerpaamik marts-ip 31.-ani 2018-imut atorunnaartussanngortinneqarsinnaavoq.

Imm. 2 Isumaqatigiissut atorunnaarpat piffissap nutaamik isumaqatigiissuteqarfissap tungaanut akissarsiat marts-ip 31.-ani 2018 atuuttut malillugit akissarsiaqartitsisoqassaaq.

Nuummi, ulloq **14 NOV. 2014**

Sulinermik Inuussutissarsiateqartut
Kattuffiat

Naalakkersuisut
n.s.



Jess G. Berthelsen



Frederik Møller

Taamalu isumaqatigiissut 21. marts 2013-meersoq atorunnaarpoq.